

Bosna i Hercegovina
Federacija Bosne i Hercegovine
Unsko - sanski kanton
OPĆINA KLJUČ
OPĆINSKI NAČELNIK
Služba za finansije i trezor



Bosnia and Herzegovina
Federation of Bosnia and Herzegovina
Una - Sana canton
MUNICIPALITY OF KLJUC
MAYOR OF MUNICIPALITY

DOKUMENT OKVIRNOG BUDŽETA OPĆINE KLJUČ
ZA PERIOD 2021. - 2023. GODINE

Ključ, maj 2020. godine

Adresa: OPĆINA KLJUČ, 79280 KLJUČ, ul. Branilaca BiH 78
Telefon: 00387(0)37 662-054,661-100, Fax: 661-104, e-mail: opckljuc@bih.net.ba

Na osnovu članova 16, 17 i 18. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 44/18, 11/19 i 99/19), Općinski načelnik d o n o s i

DOKUMENT OKVIRNOG BUDŽETA OPĆINE KLJUČ ZA PERIOD 2021.- 2023. GODINA

1. Uvod

U skladu sa Zakonom o budžetima u Federaciji Bosne i Hercegovine (Službene novine Federacije BiH, broj: 102/13, 9/14, 13/14, 8/15, 91/15, 102/15, 104/16, 5/18, 44/18, 11/19 i 99/19) pripremljen je Dokument okvirnog budžeta Općine Ključ za period 2021-2023. godina (DOB) koji sadrži makroekonomske projekcije i prognoze budžetskih sredstava i izdataka za naredne tri godine i predstavlja preliminarni Nacrt budžeta Općine Ključ za 2021. godinu sa početnim projekcijama budžeta za 2022. i 2023. godinu.

Cilj DOB-a je da postavi strateški okvir i gornje granice resursa unutar kojih bi trebalo pripremiti godišnji budžet, te identificirati ključne budžetske opcije koje direktno utiču na mobilizaciju javnih resursa i njihovu raspodjelu u srednjoročnom ciklusu. Zakonom o budžetima u Federaciji BiH uspostavljeno je srednjoročno planiranje kao kontinuiran proces koji počinje donošenjem smjernica ekonomske i fiskalne politike Vlade Federacije BiH u skladu sa kojim se projicira ekonomski i fiskalni položaj u trogodišnjem periodu, a završava odobrenim konačnim budžetom i procjenama za buduće dvije godine.

Navedene smjernice ekonomske i fiskalne politike za trogodišnji period, kao osnova za pripremu DOB-a u skladu sa Zakonom o budžetima u FBiH, treba da sadrže strateške ciljeve i pokazatelje ekonomske i fiskalne politike, osnovne makroekonomske pokazatelje, pretpostavke društvenog i privrednog razvoja, procjene prihoda budžeta te promjene javnog duga i strategiju upravljanja javnim dugom.

Također, Zakonom o budžetima u FBiH propisan je budžetski kalendar kojim su utvrđeni krajnji rokovi za svaku fazu budžetskog planiranja i kojim je predviđeno da DOB, kao jedinstven dokument, vlada odnosno Općinski načelnik razmatra i usvaja do 30. juna tekuće godine.

Potrebno je imati u vidu da DOB kao okvirni dokument za donošenje Budžeta predstavlja osnovu za planiranje jednogodišnjeg budžeta i nije limitirajući faktor planiranja prihoda i izdataka prilikom donošenja dokumenata Budžeta, ali treba predstavljati gornju granicu rashoda za trogodišnji period prilikom pripreme budžetskih zahtjeva, iako je skoro nemoguće postići identične vrijednosti projicirane DOB-om i nacrtom, odnosno prijedlogom budžeta.

Služba za finansije i trezor općine Ključ, predlaže Općinskom načelniku da razmotri i usvoji Dokument okvirnog budžeta općine Ključ za period 2021.- 2023. godina kao osnov za pripremu, planiranje i izradu budžeta općine Ključ za fiskalnu 2021. godinu.

2. Strateški ciljevi ekonomske i fiskalne politike u Federaciji BiH

Programom rada Vlade Federacije BiH za 2020. godinu su utvrđeni prioritetni projekti Vlade tj. intenziviranja privrednog razvoja, jačanja unutrašnje društvene stabilnosti Federacije BiH i jačanja vladavine prava, iniciranje i provođenje različitih reformi, te u saradnji sa drugim nivoima vlasti u BiH, rad na evroatlanskim integracijama u cilju obezbjeđenja dugoročno održivog i stabilnog sistema koji će FBiH učiniti konkurentnijom.

Pogram rada za 2020. godinu je usvojen prije pojave zdravstvene i ekonomske krize uzrokovane pandemijom izazvanom virusom COVID-19. Pojavom pandemije Vlada FBiH, kao i sve zemlje svijeta, je suočena sa pronalaženjem mjera za suzbijanje ili ublažavanje negativnih posljedica izazvanih poduzetim mjerama za suzbijanje pandemije. Potrebno je donijeti mjere za stabilizaciju poslovnog okruženja, mjere za pomoć privrednim subjektima u suočavanju sa izazovima u krizi, mjere za povećanje zaposlenosti kroz provođenje aktivnih mjera zapošljavanja u saradnji sa međunarodnim institucijama.

Poduzete mjere za suzbijanje pandemije imaju negativne ekonomske posljedice na nezaposlenost i smanjenje plaća, tj osiromašenje stanovništva, isplate penzija, otplate dugova, smanjenja obima proizvodnje, smanjenje izvoza, investicija, pada prihoda.

Mjere koje su poduzete za suzbijanje pandemije će imati negativne posljedice na ekonomiju svih zemalja svijeta pa tako i na ekonomiju BiH u kratkoročnom periodu tj u tekućoj godini i srednjoročnom periodu. Rizik predstavlja neizvjesnost intenziteta i trajanja pandemije.

Negativne posljedice se već osjete u sektorima privrede u kojima je bio zabranjen rad, tj uslužnim djelatnostima, turizmu, prevozu, trgovini. Usljed otpuštanja zaposlenika i smanjenja plaća doći će do smanjenja potrošnje i prikupljanja poreza.

Već u trećem mjesecu tekuće godine je došlo do pada prihoda od indirektnih poreza uzrokovano pandemijom. U trećem mjesecu je došlo do nabavke zaliha stanovništva što se pozitivno odrazilo na naplatu PDV-a u četvrtom mjesecu ove godine. U narednim mjesecima potrošnja stanovništva je pala, bilo zbog nezaposlenosti, neisplate ili smanjenja plaća ovaj trend nabavke zaliha je izostao. Izostati će također naplata prihoda u turizmu, maloprodaji tj granama privrede čiji je rad bio zabranjen, a i očekuje se pad prihoda po osnovu doznaka iz inozemstva.

2.1. Osnovni makroekonomski pokazatelji

MMF i Svjetska Banka procjenjuju značajan pad ekonomske aktivnosti u 2020. godini. Pandemija virusa korona imaće ogromne posljedice na ekonomsku aktivnost širom svijeta. MMF procjenjuje da će, pod pretpostavkom završetka pandemije do početka drugog polugodišta, globalna ekonomija zabilježiti pad od 3%, što je čak veći pad od onog iz globalne ekonomske krize iz 2008-2009. godine. U izvještaju je navedeno da postoji ogromna neizvjesnost po pitanju ostvarenja projekcija, s obzirom na brojne faktore koje je u trenutku njihove

izrade teško predvidjeti, a tiču se trajanja pandemije, jačine i efikasnosti preuzetih mjera, stepena prekida u snabdijevanju, promjena u obrascima potrošnje, uslova na finansijskom tržištu i dr. Kriza uzrokovana pandemijom virusa je dosta drugačija od prethodnih kriza sa kojima su se ekonomije susretale. Postoji ogromna neizvjesnost u pogledu trajanja i intenziteta šoka uzrokovanog pandemijom. Pored toga, ekonomska politika ima dosta drugačiju ulogu u trenutnim uslovima nego u prethodnim krizama.

U sadašnjem slučaju je kriza u mnogome uzrokovana prijeko potrebnim mjerama zaštite. U MMF-ovom dokumentu se ističe da za ostvarenje njihovih projekcija preovladavaju rizici lošijeg ishoda, te su u istom, s obzirom na ogromne nepoznanice u trenutku izrade projekcija u pogledu trajanja pandemije i mogućnosti pojave novog talasa, razradili čak tri dodatna scenarija projekcija. I druge međunarodne institucije također predviđaju značajan pad ekonomske aktivnosti u 2020. godini.

Direkcija za ekonomsko planiranje (DEP) procjenjuje pad ekonomije BiH u iznosu od 2,3% za 2020.godinu, te oporavak u narednom periodu. Ključna pretpostavka projekcija DEP-a je ista kao u MMF-ovom osnovnom scenariju, da će epidemija virusa biti prevaziđena u drugoj polovini 2020. godine. U takvim okolnostima, DEP projektuje realni pad BDP-a u BiH u iznosu od 2,3% u 2020. godini, a nominalni u iznosu 1,5%. Za godine 2021., 2022. i 2023. se procjenjuju stope rasta ekonomije 2,8%, 3,1% i 3,2%, respektivno.

Projekcije prihoda od indirektnih poreza usko su vezane za projekcije BDP-a i njegovih komponenti. Svako odstupanje izvršenja parametara iz nacionalnih računa od njihovih projektiranih vrijednosti predstavlja rizik za projekcije prihoda.

Makroekonomske projekcije 2020-2023 DEP-a iz aprila 2020.godine su izrađene u trenutku kada svi statistički podaci nisu bili dostupni za mjesec mart 2020., a u kojem je došlo do obostranih šokova na strani ponude i potražnje. Projekcije DEP-a se zasnivaju na pretpostavkama da će kriza uzrokovana pandemijom virusa korona trajati do kraja drugog kvartala 2020. godine. U DEP-u takođe navode da projekcije ne obuhvataju stabilizacijske mjere entitetskih vlada i Vijeća ministara Bosne i Hercegovine u cijelosti, jer u trenutku njihove izrade nije bio poznat konačni obim mjera.

Makroekonomski pokazatelji – projekcija rasta BDP-a

Projektirana stopa rasta BDP-a	Zvanični podaci	Projekcija				
		2018	2019	2020	2021	2022
Nominalni rast u %	5,2	3,9	-1,5	4,3	4,8	4,6
Realni rast u %	3,3	3,2	-2,3	2,8	3,1	3,2

2.2. Ekonomski rast

Prema projekcijama DEP-a u 2019. godini je došlo do usporavanja ekonomskog rasta na 3,9%. Navedeno je da je usporavanje ekonomskog rasta u Bosni i Hercegovini u 2019. godini u velikoj mjeri bilo posljedica usporavanja privredne

aktivnosti u međunarodnom ekonomskom okruženju, odnosno slabljenja ekonomskog rasta u pojedinim zemljama EU kao što su Njemačka i Italija. Početak 2020. godine karakterizira dodatno usložnjavanje međunarodnih ekonomskih prilika i pojava virusa korona što će, prema DEP-u, imati veoma negativne implikacije na privredna kretanja u svijetu, regionu i u konačnici u samoj BiH. Takođe naglašavaju da u vrijeme pripreme njihovih projekcija brojne međunarodno referentne institucije (MMF, Svjetska Banka, EC) na sedmičnoj bazi vrše revizije projekcija ekonomskih kretanja za 2020. godinu. U takvim okolnostima, DEP projektuje nominalni pad BDP-a od 1,5% u 2020. godini, dok bi stopa realnog pada BDP-a trebala iznositi 2,3%.

Ključna pretpostavka DEP-ovih projekcija makroekonomskih parametara u BiH u periodu 2021.- 2023. godine predstavlja poboljšanje eksternog okruženja. U DEP-u navode da su njihove projekcije makroekonomskih indikatora za ovaj srednjoročni vremenski period zasnovane na pretpostavci da će epidemija virusa biti prevaziđena u drugoj polovini 2020. godine, pošto međunarodne finansijske institucije, u vrijeme izrade DEP-ovih projekcija, još uvijek nisu publikovale bilo koji dokument koji bi kvantifikovao dužinu trajanja pandemije i ekonomska kretanja za period 2021-2023. godine.

Kao preduslov realizacije svojih projekcija navode: prevazilaženje novonastalih okolnosti u kratkom roku, poboljšanje međunarodnog ekonomskog okruženja, te implementaciju strukturnih reformi u zemlji. Pod pretpostavkom ostvarenja navedenih okolnosti u DEP-u projektuju nominalne stope rasta BDP-a od 4,3%, 4,8% i 4,6% za 2021, 2022 i 2023. godinu, respektivno (stope realnog rasta 2,8%, 3,1%, i 3,2%, respektivno).

2.3. Tržište rada

Zvanični statistički podaci o kretanju zaposlenosti i nezaposlenosti, a koji bi obuhvatili cijeli period od početka pandemije novog korona virusa do danas još uvijek nisu objavljeni, kako u BiH tako ni u regionu.

U prva tri mjeseca ove godine naplaćeni su doprinosi za penzijsko i invalidsko osiguranje, zdravstveno osiguranje i doprinosi za slučaj nezaposlenosti u ukupnom iznosu od 889.273.844 KM, a za mart 290.550.292 KM.

Što se tiče strukture doprinosa u tom periodu - doprinosi za PIO/MIO naplaćeni su u iznosu 496.468.042 KM, a za mart 160.816.263 KM; doprinosi za zdravstveno osiguranje naplaćeni su u iznosu 351.729.617 KM, a za mart 116.233.184 KM; doprinosi za osiguranje za slučaj nezaposlenosti naplaćeni su u iznosu 41.076.185 KM, a u martu 13.500.844 KM.

Porezni obveznici Federacije BiH su u periodu januar-mart ove godine uplatili 1.280.859.055 KM javnih prihoda za koje je nadležna Porezna uprava Federacije BiH, što je za 67.668.784 KM manje u odnosu na isti period prošle godine.

	2017	2018	2019	II 2020	III 2020
Prosječan broj zaposlenih	505201	519800	531483	530463	528102
Prosječan broj nezaposlenih	357971	335610	313570	309004	307197
Prosječna neto plaća	860	889	928	934	947
Prosječna bruto plaća	1318	1365	1427	1463	1457

3. Javni prihodi za period 2020-2023. godina

Strukturu javnih prihoda Budžeta čine:

- prihodi po osnovu indirektnih poreza,
- prihodi po osnovu direktnih poreza
- neporeznih prihoda u vidu :
 - prihoda od poduzetničke aktivnost i imovine
 - naknade i takse
 - novčane kazne
 - posebne naknade koje se ostvaruju, prikupljaju i raspoređuju prema važećim zakonskim propisima na teritoriji Federacije Bosne i Hercegovine
- tekući i kapitalni transfer i donacije

Revidirane projekcije prihoda po osnovu indirektnih poreza, prihoda po osnovu poreza na dobit i prihoda po osnovu poreza na dohodak za 2020 godinu i srednjoročni period 2021-2023 godina su izvršene u skladu sa novonastalom situacijom uzrokovanom pandemijom virusa COVID-19 u Bosni i Hercegovini, koja je dovela do značajnog slabljenja ekonomskog rasta u Bosni i Hercegovini.

Vodeći se makroekonomskim pretpostavkama, značajnim usporavanjem naplate prihoda zabilježenim već u drugoj polovini marta i aprila tekuće godine, a uzimajući u obzir stabilizacijske mjere preduzete na teritoriji Federacije BiH, zbog krajnje nepredvidivosti toka i dužine trajanja same pandemije, te njenih krajnjih reperkusija na globalnu i domaću ekonomiju, projekcije prihoda su rađene sa krajnjom opreznošću i bazirane na konzervativnom pristupu.

Projekcije za srednjoročni period 2021-2023 godina prate pretpostavku o postepenom oporavku ekonomije i pozitivnim kretanjima ključnih makroekonomskih parametara, ali je njihov nivo, zbog oslabljene baze u 2020 godini znatno skromniji u odnosu na visok istorijski trend bilježen kontinuirano u zadnjih nekoliko godina.

Obzirom na krajnju nepredvidivost trajanja pandemije, kao i jačine šokova na ekonomiju koje će ista ostaviti, izuzetno je visok nivo rizika po stvaranje projiciranih iznosa, dodatno uz uobičajene rizike koji prate realizaciju pretpostavljenih prihoda, prvenstveno krajnje ishode makroekonomskih pretpostavki.

Kako je riječ o globalnom problemu, čije negativne reperkusije nisu zaobišle niti jednu ekonomiju svijeta, dodatno usporavanje ili oporavak tokova u Bosni i Hercegovini velikim dijelom će biti uvjetovani dešavanjima i odlukama na globalnom nivou, posebno kada je riječ o zemljama najvećim ekonomskim partnerima Bosne i Hercegovine.

Na domaćem prostoru, prateći buduća dešavanja, moguće je i etapno donošenje novih mjera unutar fiskalne politike, shodno razvoju situacije, koje mogu dovesti do drugačijih ishoda od trenutno pretpostavljenih.

3.1. Projekcije općinskih prihoda

U ovom poglavlju su date projekcije općinskih prihoda koji se planiraju za finansiranje javne potrošnje u toku srednjoročnog perioda, koje su napravljene na osnovu projiciranih makroekonomskih pokazatelja i postojećih poreskih politika.

Vrsta prihoda	Naziv prihoda	Ostvareno	Plan	Projekcija		
		2019	2020	2021	2022	2023
	I. Porezni prihodi	2.676.590	2.734.448	2.232.360	2.329.690	2.352.200
717	Prihodi od indirektnih poreza	2.013.872	2.078.538	1.747.070	1.846.160	1.869.100
711	Porez na dobit	976	260	150	170	190
714	Porezi na imovinu	290.327	281.500	220.000	210.000	200.800
716	Porez na dohodak	371.187	374.140	265.130	273.350	282.100
719	Ostali porezi	228	10	10	10	10
	II. Neporezni prihodi	1.415.789	2.256.681	1.983.800	1.998.300	2.002.200
721	prihodi od poduzetničkih akt. i imovine	66.025	117.249	93.400	95.000	97.000
722	Naknade i takse, vlastiti prihodi	1.349.604	2.139.232	1.890.200	1.903.000	1.905.000
723	Novčane kazne	160	200	200	300	200
	III. Tekući transferi	924.459	1.127.301	730.000	775.000	810.000
732	Tekući transferi	474.766	348.500	350.000	360.000	370.000
733	Donacije	72.267	95.416	80.000	85.000	90.000
742	Kapitalni transferi	377.426	683.385	300.000	330.000	350.000
	UKUPNO PRIHODI (I+II+III)	5.016.838	6.118.430	4.946.160	5.102.990	5.164.400
81	KAPITALNI PRIMICI	860	58.000	10.000	10.000	1.000
811	od prodaje stalnih sredstva	860	58.000	10.000	10.000	1.000
	UKUPNO PRIHODI I PRIMICI	5.017.698	6.176.430	4.956.160	5.112.990	5.165.400
	Prihodi od indirektnih poreza –dc	215.693	272.880	192.870	201.356	203.852
	Sredstva posebne namjene		300.630			
	Sveukupno	5.017.698	6.477.060	4.956.160	5.112.990	5.165.400

3.2. Projekcija prihoda od indirektnih poreza za 2020. godinu i plan za period 2021-2023 godina

Pojedinačne projekcije prihoda po osnovu indirektnih poreza za korisnike u Federaciji BiH za 2020 godinu i period 2021-2023 godina iskazane su prema koeficijentima utvrđenim Uputstvom o određivanju učešća kantona, jedinica lokalne samouprave i

nadležnih kantonalnih ustanova za ceste u prihodima od indirektnih poreza i načinu raspoređivanja tih prihoda za 2020 godinu („Službene novine Federacije BiH“, broj: 84/19) i metodologijom propisanom Zakonom o pripadnosti javnih prihoda u Federaciji BiH („Službene novine Federacije BiH“, broj: 22/06, 43/08, 22/09, 35/14 i 94/15)

Prihodi od indirektnih poreza iz raspodjele sa jedinstvenog računa

	Izvršenje	PROJEKCIJA			
	2019	2020	2021	2022	2023
1. Prihodi od indirektnih poreza sa JR	186.624.414	156.880.352	163.781.868	173.329.525	175.484.529
1.1. Kantonalni budžet	155.515.070	130.537.500	136.280.135	144.224.580	146.017.722
1.2. Općinski/gradski budžeti	31.109.344	26.342.853	27.501.733	29.104.946	29.466.807
1.2.1. Bihać	5.641.266	4.769.367	4.979.182	5.269.443	5.334.958
1.2.2. Bosanska Krupa	3.038.196	2.561.759	2.674.456	2.830.363	2.865.553
1.2.3. Bosanski Petrovac	1.032.211	867.350	905.507	958.294	970.208
1.2.4. Bužim	2.247.234	1.910.716	1.994.772	2.111.057	2.137.304
1.2.5. Cazin	8.242.179	7.002.423	7.310.475	7.736.639	7.832.829
1.2.6. Ključ	1.772.441	1.488.704	1.554.196	1.644.797	1.665.247
1.2.7. Sanski Most	4.357.544	3.694.192	3.856.707	4.081.534	4.132.280
1.2.8. Velika Kladuša	4.778.273	4.048.342	4.226.438	4.472.818	4.528.428

U prvom kvartalu 2020. je ostvaren rast naplate indirektnih poreza na JR UIO od 4,4%, dok se u ostatku godine očekuje pad prihoda. Primjetno je usporavanje naplate u martu, koje se može dovesti u vezu sa širenjem epidemije korona virusa i njenim uticajem na ekonomiju BiH i potrošnju građana. Povećane nabavke građana i stvaranje zaliha u martu imaće pozitivan efekat na naplatu domaćeg PDV-a u aprilu, nakon podošenja PDV prijava.

Navedeni faktor ima vremenski ograničeno djelovanje na prihode zbog iscrpljivanja izvora za finansiranje zaliha dobara (ograničeni dohoci i penzije, štednja) i pada zaposlenosti koji je već ispoljen. S druge strane, na potrošnju će negativno djelovati i blokade u transportu uvezenih dobara i prekid ustaljenih izvora snabdijevanja i lanaca distribucije uvoznih dobara u BiH. Značajan negativni faktor naplate prihoda jeste i pad potrošnje nerezidenata (turista, dijaspore, tranzitne i malogranične prodaje) i rezidenata (smanjenje doznaka iz inostranstva) zbog prekida komunikacija, čiji se puni efekat na prihode očekuje u narednim mjesecima.

OMA procjenjuje pad prihoda od indirektnih poreza po stopi od 2,0% za 2020.godinu, te rast prihoda u narednom periodu.

Na osnovu DEP-ovih projekcija makroekonomskih pokazatelja i tekućih trendova naplate, Odjeljenje za makroekonomsku analizu UIO (OMA) je projektiralo pad indirektnih poreza po stopi od 2% za 2020. godinu, dok su za 2021., 2022., i 2023. godinu projektirane stope rasta od 3,3%, 3,5% i 3,7% respektivno. S obzirom na nepoznanice u trenutku izrade projekcija i korištene pretpostavke da će kriza biti prevaziđena u kratkom roku, postoje značajni rizici za ostvarenje projekcija prihoda od indirektnih poreza.

Projekcije prihoda od indirektnih poreza za 2020. i naredni trogodišnji period izrađene su u trenutku kada nisu bili dostupni podaci o naplati prihoda na JR UIO za april, mjesec u kojem su ispoljeni prvi veći efekti krize uzrokovane pandemijom korona virusa. Projekcije makroekonomskih pokazatelja, na kojima su zasnovane projekcije prihoda, su takođe izrađene u trenutku nedostupnih statističkih podataka za mart,

mjesec u kojem je došlo do obostranih šokova na strani ponude i tražnje. S obzirom na ogromne nepoznanice u trenutku izrade projekcija o jačini i trajanju šoka uzrokovanog pandemijom virusa korona, kao i u brojnim nepoznanicama na unutrašnjem planu, te korištene pretpostavke da će kriza biti prevaziđena u kratkom roku, postoje značajni rizici za ostvarenje projekcija prihoda od indirektnih poreza, pri čemu preovladavaju rizici lošijeg ishoda.

U aprilu 2020. zaustavljen je trend rasta prihoda od indirektnih poreza zbog djelovanja koronavirusa na ekonomiju BiH. Prema preliminarnom izvještaju UIO po vrstama prihoda u mjesecu aprilu bruto naplata prihoda je pala za 155,8 mil KM ili za 23,4%. Zbog smanjenih isplata povrata neto deficit naplate je ipak manji i iznosi 119,5 mil KM. Neto naplata je za 22,2% manja nego u aprilu 2019. Veliki pad naplate prihoda u aprilu anulirao je ostvareni suficit u naplati iz prvog kvartala 2020. Kumulativna bruto naplata prihoda za četiri mjeseca 2020. manja je za 96,7 mil KM u odnosu na naplatu u istom periodu 2019. Istovremeno su isplate povrata bile manje za 41,8 mil KM, što je ublažilo ukupne negativne rezultate kumulativne naplate, te je u konačnici neto naplata indirektnih poreza manja za 54,6 mil KM. Veliki pad prihoda u aprilu ostvaren je u najvećoj mjeri u naplati PDV-a (- 28,2 mil KM), te putarine (- 13,2 mil KM) i carina (- 12,9 mil KM), dok je rast jedino zabilježen u naplati prihoda od akciza (+ mil 10,2 KM), zahvaljujući većoj naplati akciza na duhanske prerađevine od 8,4 %.

U februaru mjesecu je zabilježen nagli rast kumulativne neto naplate, koji nije bio ugrožen ni slabijim rastom u martu, kada su se ispoljili prvi negativni efekti koronavirusa na naplatu prihoda. U odnosu na posljednje godišnje projekcije naplate prihoda iz aprila kumulativni pad neto naplate za četiri mjeseca 2020. je veći za 0,7 postotnih poena. To je očekivano s obzirom da se prognozira stabilizacija, a potom i rast ekonomije do kraja godine, što bi trebalo neutralizirati dubioze u naplati u prvim mjesecima pandemije kada je udar na ekonomiju bio najveći. Moglo bi se pretpostaviti da je u aprilu vjerovatno bila kulminacija negativnih kretanja, imajući u vidu da su polovinom maja ublažene ili ukinute određene restriktivne mjere koje su ograničavale kretanje građana i rad privrednih subjekata i preduzetnika, a time i potrošnju građana. Od tempa ublažavanja mjera zavisiće i tempo oporavka prihoda od indirektnih poreza u nastavku godine.

3.3. Naplata u 2019 godini

U 2019. godini naplaćen je rekordni iznos prihoda od indirektnih poreza od osnivanja UNO u iznosu od 6.541,8 mil KM, a stopa rasta je iznosila 5,2 %. Pregled kvartalne naplate pokazuje da je najviši rast prihoda ostvaren u prvom kvartalu, kada je iznosio čak 7,2 %. Naplata u januaru 2019. godine uključuje i efekte izmjene Zakona o akcizama iz 2018. godine. Osim efekata zakonskih izmjena, stopa rasta u prvom kvartalu rezultat je: rasta potrošnje, stabilizacije i rasta potrošnje derivata, te politike duhanskih kompanija koje su snosile dio dodatnog poreznog opterećenja na teret vlastite dobiti. U drugom kvartalu 2019. godine ostvarena je stopa rasta neto naplate od svega 2,3%. Niska stopa rasta prihoda posljedica je snažnog pada prihoda u junu, prvenstveno PDV-a.

Loša naplata PDV-a u junu dijelom je ublažena rastom prihoda od akciza na duhanske prerađevine, kao rezultat daljeg odlaganja prevalljivanja dodatnog poreznog tereta na maloprodajne cijene, te najave korekcije cijena u julu. U trećem kvartalu ponovo je ostvaren snažan rast prihoda od 6,4%, kao rezultat značajnog

rasta neto prihoda od PDV-a i akciza na duhan. Na početku četvrtog kvartala zabilježena je stagnacija prihoda zbog slabije naplate skoro svih vrsta indirektnih poreza. Međutim, snažna naplata skoro svih kategorija prihoda u decembru donijela je visoke efekte i rast od 4,8% na nivou kvartala.

3.4. Naplata u periodu januar - mart 2020.godine

Prema preliminarnom izvještaju o gotovinskom toku na JR UIO je u martu 2020. naplaćeno 651,5 mil KM bruto prihoda od indirektnih poreza, što predstavlja povećanje od 23,2 mil KM ili 3,7% u odnosu na mart 2019. Međutim, zbog povećanih isplata povrata PDV-a, koji su isplate u martu 2019. premašili za 4 mil KM, u konačnici je neto naplata bila veća za 19,2 mil KM, odnosno za 3,8%. Na nivou prvog kvartala 2020. godine bruto naplata je iznosila 1,882 mlrd KM. To je istovremeno i rekordna bruto naplata u prvom kvartalu od uspostave UIO. U prvom kvartalu 2020. isplate povrata su bile veće za 5,5 mil KM u odnosu na prvi kvartal 2019., što je umanjilo efekte bruto naplate. U konačnici neto naplata prihoda od indirektnih poreza je bila veća za 64,6 mil KM od naplate u prvom kvartalu 2019. godine, odnosno veća za 4,4 %

Rastom naplate prihoda od indirektnih poreza od 4,4% u prvom kvartalu 2020. nastavljen je trend pozitivnog kvartalnog rasta iz prethodnog perioda. U prethodne dvije godine naplata prihoda od indirektnih poreza je bila pod uticajem izmjena Zakona o akcizama u dijelu oporezivanja putarinom, što je donijelo visoku stopu rasta u prvom kvartalu 2018. i nešto nižu stopu rasta u prvom kvartalu 2019. godini. U prvom kvartalu 2020. ispoljili su se i negativni efekti pandemije korona virusa na ekonomiju BiH i potrošnju građana, što je umanjilo stopu rasta.

Projekcije prihoda od indirektnih poreza u mil KM 2020-2023 godina

Vrsta prihoda (neto)	U mil KM					Projektovana stopa rasta			
	Izvršenje	Projekcija				2020	2021	2022	2023
	2019	2020	2021	2022	2023				
PDV	4.022,4	3.944,8	4.066,5	4.209,3	4363,1	-1,9 %	3,1 %	3,5 %	3,7 %
Akcize	1.533,3	1.515,5	1564,5	1.612,1	1661,7	-1,2 %	3,2 %	3,0 %	3,1 %
Carine	300,6	293,1	307,8	329,0	355,7	-2,5 %	5,0 %	6,9 %	8,1 %
Putarina	650,2	629,0	652,9	671,7	691,9	-3,3 %	3,8 %	2,9 %	3,0 %
Ostalo	35,3	31,8	32,1	32,5	32,8	-10,0%	1,1 %	1,1 %	1,1 %
Ukupno	6.541,8	6.414,2	6.623,9	6.854,6	7105,2	-2,0 %	3,3 %	3,5 %	3,7 %
Namjenska putarina	-406,2	-393,1	-408,1	-419,8	-432,4	-3,2 %	3,8 %	2,9 %	3,0 %
Sredstva za raspodjelu	6.135,6	6.021,1	6.2158	6.434,8	6672,8	-1,9 %	3,2 %	3,5 %	3,7 %

3.5. Projekcije za 2020. godinu

U prvom kvartalu 2020. neto naplata prihoda od indirektnih poreza je bila veća za 64,6 mil KM od naplate u prvom kvartalu 2019, odnosno za 4,4%. Ostvarena stopa rasta u prvom kvartalu je čak za 1,4 p.p. veća od projektirane stope godišnjeg rasta za 2020. godinu u projekcijama OMA iz oktobra 2019. S obzirom na trenutnu situaciju uzrokovanu pandemijom virusa korona, a na osnovu projekcija makroekonomskih pokazatelja (DEP, april 2020), možemo biti sigurni da se pozitivni trendovi naplate iz prvog kvartala neće nastaviti u ostatku godine. Na osnovu bazne pretpostavke DEP-ovih projekcija da će kriza biti prevaziđena u drugoj polovini godine, možemo očekivati veliki pad prihoda u drugom kvartalu 2020., te postepeni oporavak naplate u drugom polugodištu. Projektirani iznos neto naplate prihoda od indirektnih poreza za 2020. godinu iznosi 6.414,2 mil KM što je za 2,0% manje nego u 2019. godini. Projektirani pad prihoda u apsolutnom iznosu iznosi 127,6 mil KM.

3.6. Projekcije za period 2021-2023 godina

Projektirane stope rasta prihoda za 2021., 2022., i 2023. godinu iznose 3,3%, 3,5% i 3,7%, respektivno. Projekcija prihoda u navedenom periodu zasnovana je na projektiranim relevantnim makroekonomskim pokazateljima, istorijskoj sezonskoj šemi naplate i projekcijama pojedinih kategorija prihoda za 2020. godinu. Kao i u slučaju 2020., godine projekcije su izrađene na gotovinskoj osnovi. Pretpostavljeno je da neće biti kompenzacija obaveza za akcize i putarinu i potraživanja po osnovu PDV-a. Ukoliko ih eventualno bude to se može odraziti na odstupanja naplate od projekcija po vrstama prihoda, a ne na ukupnu naplatu indirektnih poreza.

3.7. Rizici po projekcije

Projekcije prihoda od indirektnih poreza za 2020. i naredni trogodišnji period izrađene su u trenutku kada nisu bili dostupni podaci o naplati prihoda na JR UIO za april, mjesec u kojem su ispoljeni prvi veći efekti krize uzrokovane pandemijom korona virusa. Projekcije makroekonomskih pokazatelja, na kojima su zasnovane projekcije prihoda, su takođe izrađene u trenutku nedostupnih statističkih podataka za mart, mjesec u kojem je došlo do obostranih šokova na strani ponude i tražnje. S obzirom na ogromne nepoznanice u trenutku izrade projekcija o jačini i trajanju šoka uzrokovano pandemijom virusa korona, te korištene pretpostavke da će kriza biti prevaziđena u kratkom roku, ističemo da postoje značajni rizici za ostvarenje projekcija prihoda od indirektnih poreza.

S obzirom na osnovne postavke projekcija indirektnih poreza i ukupne ekonomske uslove u BiH i u svijetu ostvarenje projektiranog nivoa prihoda od indirektnih poreza u periodu 2020-2023 je podložno sljedećim rizicima:

- projekcije prihoda od indirektnih poreza usko su vezane za projekcije makroekonomskih pokazatelja DEP-a. Svako odstupanje ovih parametara od projektiranih vrijednosti predstavlja rizik za projekcije prihoda. U DEP-u navode da se rizici za njihove projekcije mogu klasifikovati u dvije grupe, i to na vanjske i unutrašnje, pri čemu su vanjski rizici dosta izvjesniji i uticajniji na kretanje ekonomskog rasta u BiH. Epidemija virusa Covid 2019 je primarni rizik za realizaciju DEP-ovih projekcija. Pretpostavka projekcija za 2020. i srednjoročni vremenski

period je da će epidemija virusa biti prevaziđena u drugoj polovini 2020. godine, te bi eventualno prolongiranje epidemije dalje ugrozilo projektirane stope kretanja makroekonomskih pokazatelja.

S druge strane, kao prijetnju realizaciji svojih projekcija u DEP-u navode unutrašnje izazove, odnosno unutrašnje rizike u Bosni i Hercegovini (složen sistem donošenja odluka, spor tempo provođenja ekonomskih reformi u zemlji). Takođe navode da bi se eventualno kašnjenje u procesu formiranja vlasti moglo negativno odraziti na planiranu dinamiku izvršenja javnih investicija i ukupni ekonomski rast.

- slabiji ekonomski oporavak glavnih izvoznih partnera BiH (EU, zemlje CEFTA) povećava nivo rizika za ostvarenje makroekonomskih projekcija, a time i projekcija prihoda od indirektnih poreza u cjelini;

- slabljenje borbe protiv crnog tržišta duhanskih prerađevina nakon okončanja harmonizacije poreznog opterećenja cigareta u BiH sa standardima EU;

- masovan odliv stanovništva može prouzročiti smanjenje oporezive potrošnje koju su nezaposleni građani koji napuštaju BiH finansirali dohocima iz sive ekonomije ili iz doznaka iz inostranstva, kao i potrošnje radno-aktivnih osoba koje napuštaju BiH, čiji će se dohodak zbog seljenja porodica većinom trošiti izvan BiH;

- pojava eksternih šokova, u vidu rasta cijena nafte i derivata na svjetskom tržištu izvan sadašnjih očekivanja, pogodice tržište derivata u BiH i negativno će se odraziti na potrošnju derivata, a time i na izvršenje projekcija prihoda od akciza na derivate i putarine iz cijene naftnih derivata.

3.8. Prihodi od direktnih poreza

Prihodi po osnovu poreza na dohodak

Iako su u zadnje tri godine prihodi po osnovu poreza na dohodak, iz godine u godinu, prateći pozitivna kretanja na tržištu rada, ostvarivali značajan rast, trenutna pandemija je narušila trend povećanja broja zaposlenih i rasta prosječnog dohotka. Uzimajući u obzir smanjenje broja zaposlenih, zabilježeno već u drugoj polovini marta, u djelatnostima koje su bile prinuđene privremeno obustaviti svoj rad, te smanjen nivo dohotka, a sa druge strane se istovremeno vodeći pozitivnim mjerama poduzetim od strane Vlade FBiH na očuvanju radnih mjesta, projekcija prihoda od poreza na dohodak u 2020. godini pretpostavlja pad od 30,5%.

Prateći pozitivne makroekonomske pretpostavke, ova kategorija prihoda bi u 2021, 2022 i 2023. godini trebala ostvariti rast od 2,8%; 3,1% i 3,2% respektivno.

Prihodi po osnovu poreza na imovinu

Prihodi po osnovu poreza na imovinu, čija je naplata regulisana propisima jedinica lokalne samouprave, prateći pozitivan trend ostvarenja, ali i pretpostavku da će po utjecajem pandemije u 2020. godini također doći i do smanjene kupoprodaje i mjera koji donose kantoni, planirani su manje za 3,4% u odnosu na izvršenje iz 2019. godine.

3.9. Neporezni prihodi, donacije, tekući i kapitalni transferi

Neporezni prihodi općine uključuju takse i naknade, novčane kazne i ostale neporezne prihode (uključujući vlastite prihode budžetskih korisnika), a najveće učešće imaju općinske komunalne takse, kao i općinske komunalne naknade. Ostvareni neporezni prihodi u 2019. godini iznose 1.415.789,00 KM; planirani neporezni prihodi u 2020. godini iznose 2.256.681,00 KM; projekcije u 2021. godini 1.983.800,00 KM; u 2022. godini 1.983.300,00 KM, a u 2023 godini 2.002.200,00 KM. Projicirani prihodi u 2020, 2021 i 2022 godini su manji u odnosu na 2020 godinu iz razloga što su planirani prihodi koji se odnose samo na tu godinu, bez prenošenja prihoda iz prethodnih godina.

Donacije se planiraju za sufinansiranje smještaja štíćenika u ustanove socijalne zaštite i donacije građana za infrastrukturne projekte.

Tekući transferi se planiraju za beneficije socijalne zaštite; obilježavanje značajnih datuma i događaja

Kapitalni transferi se planiraju za realizaciju određenih projekata od sredstava sa viših nivoa vlasti.

4. Upravljanje javnim rashodima na nivou općine

Javni rashodi su ukupan trošak realizacije vladinih aktivnosti, u sklopu kojih vlada obavlja svoje redovne dužnosti i obaveze, osigurava određene robe i usluge za svoje građane, te realizaciju određenih novčanih transfera. Imajući u vidu navedeno, upravljanje javnim rashodima predstavlja izuzetno značajan segment cjelokupnog upravljanja javnim finansijama. Upravljanje javnim rashodima za cilj ima osiguranje efikasne upotrebe javnih sredstava, fiskalne discipline i implementacije strateških prioriteta.

Shodno okolnostima koje determinišu trenutnu situaciju nastalu usljed proglašenja pandemije COVID 19, a što se ogleda u usporavanju globalnih ekonomskih kretanja, te oštrom padu makroekonomskih pokazatelja, nezahvalno je prognozirati da li će efikasno upravljanje javnim rashodima biti dovoljno za samoodrživost ili će stvoriti gore pomenuti prostor za reforme i razvoj.

U svakom slučaju, stabilna fiskalna politika kroz smanjenje javne potrošnje je polazna osnova djelovanja po pitanju provedbe politike upravljanja javnim rashodima. Prioritet treba biti na strogoj kontroli budžetske potrošnje, odnosno ograničavanju rasta tekuće potrošnje i tekućih transfera.

Fokus politike upravljanja javnim rashodima u narednom periodu treba biti usmjeren na poboljšanje fiskalne discipline, kao i ograničavanje tekuće potrošnje. Očekivano smanjenje prihoda budžeta, će uveliko otežati upravljanje javnim rashodima, pogotovo uzimajući u obzir potrebu da se iz budžeta finansira oporavak privrede.

Ovo će uzrokovati planiranje sredstava za organe uprave na egzistencijalnom minimumu (nivo koji će osigurati minimum normalnog funkcionisanja organa), te odgađanje planiranja svih troškova (opreme, rekonstrukcije i ulaganja, započinjanje novih programa i projekata za 2022 odnosno 2023. godinu). Ovim bi se trebao osigurati i određeni nivo likvidnosti budžeta kako bi se osigurala redovnost u

isplatama svih plaćanja prema drugim licima i subjektima i prevenirala pojava iz ranijih godina da je upravo i vlada odnosno budžet jedan od generatora nelikvidnosti. Planiranje tekućih i kapitalnih transfera u tekućoj, ali i narednim godinama će imati presudnu ulogu u planiranju javnih rashoda sa aspekta pomoći u oporavku privrede. Provođenja mjera smanjenja ukupnih rashoda i izdataka sigurno će u ovom izazovnom periodu olakšati sveukupnu ekonomsku situaciju kroz preusmjeravanje sredstava za pomoć u oporavku privrede, te će u konačnici pridonijeti jačanju stabilnosti javnih finansija.

U ovom poglavlju su sažeta glavna pitanja iz oblasti upravljanja javnim sredstvima slijedeći ekonomsku klasifikaciju na kojoj se zasnivaju budžeti. Analiza potrošnje predstavlja važan element srednjoročnog planiranja budžeta i čini okvir za izradu planova potrošnje i budžetske plafone. Ovo poglavlje je fokusirano na analizu troškova plata i naknada u javnom sektoru, izdataka za materijal i usluge, tekuće transfere, kamate, kapitalne grantove i kapitalne izdatke.

Projekcije rashoda i izdataka općine Ključ za period 2021- 2023. godina

OPIS	Ostvareno	Plan	Projekcija		
	2019	2020	2021	2022	2023
UKUPNI RASHODI	4.053.838	5.078.201	4.642.130	4.718.650	4.7589.410
Ukupni troškovi plata i naknada	2.124.190	2.274.426	2.287.100	2.297.800	2.311.450
Plate i naknade zaposlenih	1.673.523	1.811.248	1.815.000	1.821.300	1.829.400
Naknade zaposlenih	273.893	272.600	280.000	282.000	285.000
Doprinosi poslodavca	176.774	190.578	192.100	194.500	197.050
Izdaci za materijal i usluge	1.051.077	1.830.296	1.715.650	1.728.650	1.735.170
Transferi	789.189	724.976	576.500	608.000	591.000
Transferi drugim nivoima vlasti	7.380	55.000	5.500	30.000	6.000
Transferi pojedincima	236.327	243.500	240.000	243.000	245.000
Grantovi neprofitnim organizacijama	378.966	233.700	210.000	212.000	215.000
Subvencije JP	56.485	59.000	46.000	46.000	46.000
Ostali transferi	110.031	133.776	75.000	77.000	79.000
Kapitalni grantovi	84.081	243.990	60.000	82.000	120.000
Izdaci za kamate	5.301	4.513	3.300	2.200	1.320
Kapitalni izdaci	671.261	1.398.859	314.030	394.340	406.460
Nabavka stalnih sredstava	638.405	1.364.339	282.870	362.170	388.130
Izdaci za otplatu duga	32.856	34.520	31.160	32.170	18.330
Prenijete obaveze	558.975		.	.	
Budžetska rezerva	22.919	21.000	22.000.	22.000	22.000
UKUPNI RASHODI I IZDACI	4.725.099	6.477.060	4.956.160	5.112.990	5.165.400

Ostvareni rashodi i izdaci u 2019. godini su iznosili 4.725.099 KM; planirani rashodi i izdaci u 2020. godini iznose 6.477.060,00 KM, dok projicirani rashodi i izdaci u 2021. godini iznose 4.956.160,00 KM; u 2022. godini 5.112.990,00 KM, a u 2023. godini 5.165.400,00 KM.

Posmatrajući rashode i izdatke po ekonomskoj klasifikaciji primjetno je veće odstupanje rashoda transfera u odnosu na ostale rashode i izdatke iz razloga uvođenja javnih ustanova u sistem trezora.

Procentualno učešće rashoda i izdataka u ukupnim rashodima i izdacima

God.	Plaće i naknade	Izdaci za materijal i usluge	Tekući transferi	Izdaci za kamate	Kapitalni transferi	Nabavka stalnih sredstava	Otplata dugova
2019	44,47	22,24	17,19	0,11	1,78	13,51	0,70
2020	35,12	28,26	11,19	0,07	3,77	21,06	0,53
2021	46,12	34,61	11,63	0,07	1,21	5,71	0,65
2022	44,95	33,81	11,89	0,04	1,60	7,08	0,63
2023	44,76	33,59	11,44	0,03	2,32	7,51	0,35

Izdaci za materijal i usluge

Ostvareni izdaci za materijal i usluge u 2019. iznose 1.051.077,00 KM, planirani u 2020. godini 1.830.296,00 KM, projicirani u 2021 godini 1.715.230,00 KM i u 2022. godini 1.728.650,00 KM, a u 2023. godini 1.735.170,00 KM.

Tekući transferi

Ostvareni izdaci za tekuće transfere u 2019 godini su iznosili 789.189,00 KM, planirani u 2020. 724.976,00 da bi projicirana potrošnja u 2021. godini iznosila 576.500,00 KM, u 2022. godini 608.000,00 KM i u 2023. godini 591.000,00 KM.

Kapitalni grantovi i kapitalni izdaci

Kapitalni grantovi i kapitalni izdaci najvećim dijelom zavise od: sredstava koje doznavaču viši nivoi vlasti, sredstava od ŠPD „Unsko-sanske šume“, visine vodnih naknada, koncesija, prihoda od indirektnih poreza na ime finansiranja auto cesta u F BiH, prihoda od indirektnih poreza koji pripadaju Direkciji za ceste, te od cestovnih naknada.

5. Stanje i projekcija javnog duga

Vanjski i unutrašnji dug općina regulisan je Zakonom o dugu, zaduživanju i garancijama u Federaciji Bosne i Hercegovine („Službene novine FBiH“ broj 86/07, 24/09, 44/10 i 30/16), Zakonom o budžetima u Federaciji BiH BiH („Službene novine FBiH“, broj: 102/13, 9/14, 13/14,8/15,91/15,102/15, 104/16, 5/18, 44/18 i 11/19), Zakonom o trezoru u Federaciji Bosne i Hercegovine („Službene novine

Federacije BiH“, broj : 26/16) i Odlukom o izvršavanju Budžeta općine za tekuću godinu.

Stanje i projekcije javnog duga su od izuzetne važnosti za kreiranje fiskalnih i razvojnih politika. Da bi se održala stabilnost fiskalnog sistema i obezbijedio osnov za razvojne inicijative, zaduživanje treba biti na realnim i održivim osnovama.

Općina Ključ ima obavezu po kreditu od:

- Svjetske banke za sanaciju komunalne infrastrukture sektor «Vodopskrba, kanalizacija i čvrsti otpad» (kredit se otplaćuje do prvog oktobra 2035.godine)
- Nove banke za izmirenje obaveza (kredit JU Općinski fond za komunalne djelatnosti i infrastrukturu općine i otplaćuje se do 07.03.2023.godine)
- Addiko banke za izmirenje obaveza, fasada i lift u neboderu, krov na zgradama kolektivnog smještaja (kredit JU Općinski fond za komunalne djelatnosti i infrastrukturu općine i otplaćen je u maju 2020.godine)

6. Mjere i preporuke za upravljanje prihodima i rashodima u Općini Ključ

Prijedlozi mjera za uspješnu fiskalnu i makroekonomsku politiku Općine su:

- restriktivna politika prema potrošnji budžetskih sredstava
- budžetska disciplina i jačanje fiskalne odgovornosti korisnika budžetskih sredstava
- jačanje makroekonomske stabilnosti (važna uloga nadležnih službi, privatnog sektora, javnih preduzeća i ustanova i ostalih korisnika)
- provođenje reforme javne uprave, javnih preduzeća i ustanova
- provođenje mjera za poticanje zaposlenosti u javnom i privatnom sektoru
- poboljšanje naplate poreznih i neporeznih prihoda
- koordinacija i pojačane aktivnosti svih korisnika budžetskih sredstava u prikupljanju prihoda sa svih nivoa vlasti

U skladu sa članom 18. Zakona o budžetima u Federaciji BiH („Službene novine Federacije BiH“, broj: 102/13; 9/14;13/14; 8/15, 91/15, 102/15, 104/16, 5/18, 44/18, 11/19 i 99/19) nakon usvajanja od strane Općinskog načelnika, ovaj dokument bit će objavljen na web stranici općine Ključ i dostavljen Općinskom vijeću kao informacija uz Nacrt budžeta općine Ključ za 2021. godinu.

Broj: 01-11-1-1464/2020

Ključ, 22.06.2020 godine

OPĆINSKI NAČELNIK

Nedžad Zukanović, prof.